

## ЭТНОКУЛЬТУРЛУГ ДИКТАНТ «ШАГААНЫҢ СҮЗҮКТЕРИ»

### Хүндүлүг чаңгыс чер-чурттууларымыс!

Тыва чоннуң шагдан бээр эрттирип чораан эң-не арыг, ыдыктыг байырлалы — Шагаа байырлалының дугайында билииңерни хынап келгениңерге байыр чедирбишаан, чедишкиннерни күзедивис!

Силерниң кожуунуңар: _____ Сууруңар: _____	Силерниң ат- сывыңар: _____ Школаңар _____	Силерниң хар- назыныңар _____
--	--	----------------------------------

1. Шагаа дээрге.....

А) *тыва чоннуң Чаа чыл байырлалы*

Б) тыва чоннуң сагыыр ёзулалы

В) тыва чоннуң оран-делегейинге чүдүүрү

Г) тыва чоннуң дагылга ёзулалы

2. Шагаа деп сөс кандыг ийи сөстүң каттышканы-биле тургустунганыл?

А) шаг+үе

Б) шаг+чаа

В) *шаг+аа*

Г) ша+гаа

3. Дириг амытаннарга үндезилээн календарь каяа тывылганыл?

А) Тыва

Б) *Бурунгу Индия*

В) Моол

Г) Кыдат

4. Бурунгу Тывалар Шагааны чылдың кайы үезинде эрттирип турганыл?

А) чайын көк үнүп келгенде

Б) частың башкы чечээ частып келгенде

В) кыш адакталып, соок чавырлы берген үеде  
**Г) күскү үеде «ак чемниң» шыгжамыры көвүдей бергенде**

5. Шагааның 3 сүзүүн тодарат.

- А) белеткенири, ойнаары, чолукшууру
- Б) артыжаныры, саң салыры, чолукшууру
- В) белеткел айы, саң салыры, чолукшууру**
- Г) саң салыры, чолукшууру, сагалаары

6. Шагааның бүдүү хүнүн шын тывыңар.

- А) Шагаага белеткенир 30 хонуктуң чымыштыг айы
- Б) эрги чылдың эң сөөлгү хүнү**
- В) Шагаа дүжүп келгенде 30 хонук
- Г) Чаа чылдың дүжүп келгени

7. «Аът кулаа көзүлбес, караңгы дүн» дээрге кандыг дүнүл?

- А) 13-түң айы
- Б) 8 чаазы
- В) 15-тиң айы
- Г) бүдүү хүнү**

8. Октаргайда каш чүк барыл?

- А) 8
- Б) 10**
- В) 9
- Г) 4

9. Кадакты шын сунарының чурумун айтыңар?

- А) 2 каът кылдыр сыккаш, мунгаш талазын тутсуп турар кижиге көрүндүр сунар
- Б) 2 каът кылдыр сыккаш, тутсуп турар кижиниң мойнунга кедирип каар**

**В) 2 каът кылдыр сыккаш, ажык талазын тутсуп турар кижиге көрүндүр сунар**

Г) 2 каът кылдыр сыккаш, тутсуп турар кижиге дүргөш бээр

10. Тыва ёзу-биле алырга, тыва чон Шагаада каш саң салыр?

А) 9 каът саң

**Б) улуг, биче 2 саң**

В) 3 каът саң

Г) 16 каът саң

11. Тывалар Шагаага белеткелди кайы үеде эгелээрил?

**А) күзүн**

Б) кыжын

В) чазын

Г) чайын

12. Хырбачаны чүү чүвениң иштинге шыгжап алырыл?

А) сыңый

Б) деспи

В) хой кежинге доңуруп алыр

**Г) улуг хырын**

13. Шагаа хүнүнде хой кадарган кижиге сунар эътти айтыңар.

А) төш

**Б) кыры**

В) ужа

Г) чода

14. Үлегер домакты уламчыла. «Кижиге чугаалажып таныжар...».

А) аът сывыртажып таныжар

Б) кижиги чугаалажып таныжар

**В) аът киштежиб таныжар**

Г) кижиги мендилежиб таныжар

15. Шагаа байырлалында чем чип маргыжар мөөрейни чүү дээрил?

А) чолукшуур

**Б) бардамнажыр**

В) кожамыктаар

Г) ойнаар

16. Шагааның байырлыг, оюн-тоглаалыг хемчеглерин кайы үеде эрттирерил?

А) белеткел айында

**Б) ак айда**

В) Шагаа мурнунда

Г) бүдүү хүнүнде

17. Кажык-биле кандыг оюннарны ойнаарыл?

А) аът чарыштырар, далбыыр, бодалажыры, дөрт берге

Б) бодалажыры, аът чарыштырары, ча адары, кажык адары

**В) бодалажыры, аът чарыштырары, дөрт берге, кажык адары**

Г) аът чарыштырар, дөрт берге, даалылаар, ча адары

18. Тыва чон хүндүткелдиг чеми болур – хой ужазынга кандыг эътти немей салырыл?

**А) картап каан чоданы, ийи кожа бедик ээгини немээр**

Б) кырыга ийи кожа бедик ээгини немээр

В) төшке ийи кожа бедик ээгини немээр

Г) чарынга ийи кожа бедик ээгини немээр

19. Чажыг деп чүл?

А) курайлаары

**Б) оран-бойдуска өргүлгө**

В) ёзулал

Г) дагылга

20. Тывызыкты тывыңар. «*Ак теве он ийи бодаган төрөөн*».

А) чыл, 30 хонук

Б) чыл, 6 ай

В) чыл, 1 ай

**Г) чыл, 12 ай**